

C/ Autorización para substitución de vehículos afectos as licencias, ben sexa o cambio de tipo voluntario ou por imposición legal: 22,40 €.

D/ Revisión anual ordinaria dos vehículos e revisión extraordinaria a instancia de parte: 22,40 €.

ORDENANZA FISCAL REGULADORA DA TAXA POR APERTURA DE GABIAS, PROSPECCIONS OU CALAS EN TERREOS DE USO PUBLICO LOCAL E CALQUERA REMOCION DO PAVIMENTO OU BEIRARRUAS NA VIA PUBLICA

I.—FUNDAMENTO E NATUREZA

ARTIGO 1º

En uso das facultades contidas no artigo 106 da Lei 7/85, Lei de Bases de Réxime Local, e nos artigos 20 e 57 do Real Decreto Lexislativo 2/2004 polo que se aproba o Texto Refundido da Lei Reguladora das Facendas Locais, o Concello de Pontearreas establece a Taxa por apertura de gabias, prospeccións ou calas en terreos de dominio público local, e calquera remoción do pavimento ou beirarrúas na vía pública, que se rexerá pola presente Ordenanza Fiscal.

II.—FEITO IMPOÑIBLE

ARTIGO 2º

Constiúe o feito impoñible desta taxa a utilización privativa ou aproveitamento especial de terreos de dominio público local para a apertura de gabias, prospeccións e calas, inclusive estradas, camiños, e demais vías públicas locais, para a instalación e reparación de canos, conduccións e outras instalacións, así como calquera remoción de pavimento ou beirarrúas na vía pública.

III.—SUXEITOS PASIVOS

ARTIGO 3º

Son suxeitos pasivos das taxas reguladas nesta Ordenanza, en concepto de contribuíntes, as persoas físicas e xurídicas así como as entidades ás que se refire o artigo 35.4 da Lei Xeral Tributaria, ás que se les outorgaron as licenzas ao seu favor, ou os que gocen, utilicen ou aproveiten especialmente o dominio público local, de proceder sen a oportuna autorización.

IV.—RESPONSABLES

ARTIGO 4º

Serán responsables solidarios das obrigas tributarias dos suxeitos pasivos as persoas físicas e xurídicas ás que se refire os artigo 42 da Lei Xeral Tributaria.

Serán responsables subsidiarios as persoas incluídas no artigo 43 da Lei Xeral Tributaria.

V.—EXENCIONS E BONIFICACIONS

ARTIGO 5º

Agás o disposto en normas de rango legal e tratados internacionais, non se admitirán exencións nin bonificacións nas taxas reguladas na presente ordenanza.

VI.—CUOTA TRIBUTARIA

ARTIGO 6º

1.—Cando se utilicen procedementos de licitación pública, o importe da taxa virá determinado polo valor económico da proposición sobre a que recaia a concesión, autorización, ou adxudicación.

2.—No resto de casos, a cota tributaria será a resultante de aplicar a seguinte tarifa:

Por m2 ou fracción, e cada quince días ou fracción: 1.36 euros

VII.—PERÍODO IMPOSITIVO, DEVENGO E INGRESO

ARTIGO 7º

1.— O período impositivo mínimo será de quince días naturais contados de data a data.

2.—As taxas reguladas na presente Ordenanza devengarase no momento en que se inicie o aproveitamento especial.

3.—No momento da presentación de solicitudes de licenzas para aproveitamentos cunha duración determinada, os suxeitos pasivos ingresarán polo procedemento de autoliquidación o importe total das taxas resultantes da aplicación do artigo 6 desta Ordenanza.

No caso de solicitudes de aproveitamentos de duración indeterminada, os suxeitos pasivos, no momento de formular aquelas, ingresarán polo procedemento de autoliquidación o importe das correspondentes ao primeiro período impositivo.

Para os seguintes períodos impositivos, a Administración Tributaria Municipal notificará regulamentariamente as liquidacións procedentes.

VIII.—NORMAS DE XESTIÓN

ARTIGO 8º

1.—Para poder gozar dos aproveitamentos especiais e utilizacións privativas de vía pública, os interesados deberán solicitar a oportuna licenza.

2.—As solicitudes contarán en todo caso cos seguintes datos: nome, apelidos e D.N.I. ou razón social e C.I.F. do solicitante, domicilio fiscal e situación de aproveitamento.

3.—Os servicios técnicos deste Concello comprobarán e investigarán as declaracións formuladas

polos interesados concedéndose as licenzas de non atopar diferenzas coas peticións.

Se se desen diferenzas coas declaracións, notificaránselles aos interesados e xiraranse, no seu caso, as liquidacións complementarias con aplicación dos xuros de demora e a sanción correspondente.

4.—En caso de denegarse as autorizacións, procederá a devolución dos importes ingresados.

5.—Non se poderá gozar dun aproveitamento da vía pública ata que fose ingresado o importe das taxas e fose outorgada a correspondente licenza.

6.—Cando a utilización privativa ou aproveitamento especial conlevase a destrución ou deterioro do dominio público local, o beneficiario, sen prexuízo do pago da taxa a que houbese lugar, estará obrigado ao reintegro do custo total dos respectivos gastos de reconstrución ou reparación e ao depósito previo do seu importe.

Se os danos fosen irreparables, o Concello será indemnizado en contía igual ao valor dos bens destruídos ou ao importe do deterioro dos danados.

O Concello non poderá condonar total ni parcialmente as indemnizacións e reintegros aos que se refire esta alínea..

7.—O goce dun aproveitamento sen licenza ou por superficie ou duración superior á que figurase naquela será sancionado pola Alcaldía de acordo co disposto no artigo 21 k da Lei 7/1985 de 2 de Abril Reguladora das Bases de Réxime Local e restante normativa de aplicación.

IX.—INFRACCIÓNS E SANCIÓNS

ARTIGO 9º

No relativo ás infraccións tributarias desta Ordenanza, así como as súas cualificacións e sancións, atenderase ao disposto na Lei Xeral Tributaria e normativa de desenvolvemento.

DISPOSICIÓN DERRADEIRA

Esta Ordenanza fiscal foi aprobada polo Pleno na sesión do día 30-11-04, entrando en vigor o día seguinte ao da súa publicación no Boletín Oficial da Provincia.

ORDENANZA FISCAL REGULADORA DA TAXA POR OCUPACIÓN DE TERREOS DE DOMINIO PÚBLICO LOCAL CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS

I.—FUNDAMENTO E NATUREZA

ARTIGO 1º

En uso das facultades contidas no artigo 106 da Lei 7/85, Lei de Bases de Réxime Local, e nos artigos 20 e 57 do Real Decreto Lexislativo 2/2004 polo que se aproba o Texto Refundido da Lei Regulado-

ra das Facendas Locais, o Concello de Pontearreas establece a Taxa por utilización privativa ou aproveitamento especial de terreos de uso público local por ocupación con mesas, cadeiras, tribunas, taboados e outros elementos análogos, con finalidade lucrativa, que se rexerá pola presente Ordenanza Fiscal.

II.—FEITO IMPOÑIBLE

ARTIGO 2º

Constitúe o feito impoñible desta taxa a ocupación de terreos de uso público local con mesas, cadeiras, tribunas, taboados e outros elementos análogos con finalidade lucrativa.

III.—SUXEITOS PASIVOS

ARTIGO 3º

Son suxeitos pasivos das taxas reguladas nesta Ordenanza, en concepto de contribuíntes, as persoas físicas e xurídicas así como as entidades ás que se refire o artigo 35.4 da Lei Xeral Tributaria, ás que se lles outorgaron as licenzas ao seu favor, ou os que gocen, utilicen, ou aproveiten especialmente o dominio público local, de procederen sen a oportunidade autorización.

IV.—RESPONSABLES

ARTIGO 4º

Serán responsables solidarios das obrigas tributarias dos suxeitos pasivos as persoas físicas e xurídicas ás que se refire o artigo 42 da Lei Xeral Tributaria.

Serán responsables subsidiarios as persoas incluídas no artigo 43 da Lei Xeral Tributaria.

V.—EXENCIÓNS E BONIFICACIÓNS

ARTIGO 5º

Agás o disposto en normas de rango legal e tratados internacionais, non se admitirán exencións nin bonificacións nas taxas reguladas na presente ordenanza.

VI.—COTA TRIBUTARIA

ARTIGO 6º

1.—Cando se utilicen procedementos de licitación pública, o importe da taxa virá determinado polo valor económico da proposición sobre a que recaía a concesión, autorización, ou adxudicación.

2.—No resto de casos, a cota tributaria será a resultante de aplicar a tarifa correspondente:

1.—Por ANO. Por cada m2 de terreo de uso público delimitado con mesas, cadeiras, tribunas, taboados, parasoles, tarros de plantas e outros elementos análogos. O ano: 32.62 euros.